



FONDACIJA
ZA IZDAVAŠTVO
SARAJEVO

Broj: 04-3-9-160/25
Sarajevo, 31.12. 2025. godine

Na osnovu člana 31. stav (1) Pravilnika o procedurama i kriterijima za izbor korisnika i dodjelu sredstava Fondacije za izdavaštvo, broj: 04-1-3-99/25 („Službene novine Federacije BiH“, broj 93/25), Odluke o raspisivanju Konkursa za izbor korisnika sredstava Fondacije za izdavaštvo za 2025. godinu, broj: 04-3-9-158/25 od 30.12.2025. godine, te u skladu sa Odlukom o usvajanju Programa utroška sredstava sa kriterijima raspodjele sredstava sa pozicije „Tekući transferi drugim nivoima vlasti i fondovima – Transfer za Fondaciju za izdavaštvo“, utvrđenih Budžetom Federacije Bosne i Hercegovine za 2025. godinu Federalnom ministarstvu kulture i sporta – Federalnom ministarstvu kulture i športa V, broj: 1664/2025 od 14.11.2025. godine („Službene novine Federacije BiH“, broj 89/25), kao i Odlukom o izmjenama Odluke o usvajanju Programa utroška sredstava sa kriterijima raspodjele sredstava sa pozicije „Tekući transferi drugim nivoima vlasti i fondovima – Transfer za Fondaciju za izdavaštvo“, utvrđenih Budžetom Federacije Bosne i Hercegovine za 2025. godinu Federalnom ministarstvu kulture i sporta – Federalnom ministarstvu kulture i športa V, broj: 1918/2025 od 23.12.2025. godine („Službene novine Federacije BiH“, broj 99/25), Upravni odbor Fondacije za izdavaštvo raspisuje

KONKURS

**za izbor korisnika sredstava Fondacije za izdavaštvo za projekte započete/završene
u periodu 1.1.2025. - 31.12.2025. godine
za oblast Nova književna djela domaćih autora**

I – SVRHA KONKURSA

Svrha Konkursa je stimuliranje i pravednije nagrađivanje kvalitetnog književnog stvaralaštva domaćih autora iz sljedećih književnih rodova: poezija, proza i drama.

II – USLOVI KONKURSA

Uslovi koje projekti moraju ispuniti kako bi učestvovali na Konkursu za izbor korisnika sredstava Fondacije za izdavaštvo za 2025. godinu za oblast Nova književna djela domaćih autora obuhvataju opće i posebne uslove. Za uredno ispunjene uslove projektu se ne dodjeljuju bodovi.

Opći uslovi:

- a) blagovremenost prijave (dokazuje se poštanskim žigom);
- b) potpuna dokumentacija;
- c) uredan datum izdavanja, odnosno ovjere dokumenata.

Posebni uslovi:

- a) autor prijavljuje jedan potpuno završen rukopis;
- b) autor se na Konkurs prijavljuje anonimno (u tekstu rukopisa i na kovertama ne navodi se ime i prezime autora, već isključivo šifra, dok se rješenje šifre dostavlja u posebnoj zatvorenoj koverti);
- c) rukopis nije ranije objavljen;
- d) rukopis pripada jednom od književnih rodova: poezija, proza ili drama;
- e) rukopis je pisan na bosanskom, hrvatskom ili srpskom jeziku, latiničnim ili ćiriličnim pismom;
- f) autori, bez dodatnog honorara od strane izdavača, ustupaju pravo prvog objavljivanja nagrađenih rukopisa izdavaču kojeg će, po objavljivanju rezultata Konkursa, Fondacija odabrati putem posebnog tendera za izdavače;
- g) autor u prethodne dvije godine nije dobio sredstva za oblast „Nova književna djela domaćih autora“.

III – NAČIN ODABIRA KORISNIKA SREDSTAVA

Fondacija će, prema odluci posebnog žirija, nagraditi najbolje rukopise iznosom od po 2.500,00 KM ili po 3.000,00 KM. Stručni žiri će ocjenjivanje i rangiranje anonimnih rukopisa vršiti na osnovu posebnih kriterija, od kojih svaki nosi od 0 do 10 bodova:

- a) strukturiranje teksta;
- b) svrsishodnost motiva;
- c) jezik književnog djela;
- d) stilska osobitost;
- e) estetska vrijednost.

IV – PRAVO UČEŠĆA

Pravo podnošenja prijave na Konkurs za oblast Nova književna djela domaćih autora imaju fizička lica sa stalnim mjestom boravka u Federaciji Bosne i Hercegovine, pod uslovima i na način utvrđen ovim Konkursom.

Napomena: Pravo učešća nemaju lica koja nisu postupila prema Obavijesti Fondacije od 11.12.2025. godine, a u skladu sa instrukcijom federalne budžetske inspekcije.

V – SADRŽAJ I NAČIN DOSTAVLJANJA PRIJAVE ZA UČEŠĆE

Obavezna dokumentacija dostavlja se na sljedeći način:

- a) tri štampana primjerka rukopisa i jedan primjerak snimljen na CD, bez upisivanja imena i prezimena autora, sa naznačenom šifrom koju rukopisu dodjeljuje sam autor – dostaviti u koverti broj 1;
- b) podaci:
 - ime i prezime autora uz šifru i naziv djela,
 - kontakt telefon i e-mail adresa autora,
 - kratka biobibliografska bilješka u obimu do dvije stranice, potpisana od strane autora;

c) dokumenti za autora:

- original prijave iz CIPS-a, ne starije od šest mjeseci od dana objave Konkursa;
- original potvrde banke o posjedovanju računa, ne starije od šest mjeseci od dana objave Konkursa.

Dokumentacija i rukopisi dostavljeni na Konkurs ne vraćaju se autorima.

Podatke i dokumente iz tačaka b) i c) dostaviti u koverti broj 2, bez navođenja imena i prezimena autora, sa obavezno ispisanom šifrom. Koverta broj 1 i 2 staviti u jednu zajedničku kovertu, također sa obavezno ispisanom šifrom i bez navođenja imena i prezimena autora, uz obaveznu naznaku:

„Konkurs za Nova književna djela domaćih autora“

te poslati isključivo poštom na adresu:

**Fondacija za izdavaštvo
Obala Maka Dizdara 2
71000 Sarajevo**

VI – ROKOVI I REZULTATI

- Konkurs ostaje otvoren 15 dana od dana objavljivanja, a najkasnije do 15.01.2026. godine.
- Rezultati Konkursa bit će objavljeni na internet stranici:
www.fondacijaizdavastvo.ba

PREDSJEDNIK
UPRAVNOG ODBORA

Mario Mikulić
